

行水金鑑 續行水金鑑

（附分類索引）

（清）傅澤洪 黎世序等 主編 鄭元慶 俞正燮等 纂輯

24

續行水金鑑

(清)

黎世序 潘錫恩 張井等 主編
俞正燮 董士錫 孫義鈞等 纂輯

卷一百十五至
卷一百二十四

續行水金鑑卷第一百十五

運河水

章廣四十三

嘉慶十五年六月十二日奉

上諭松筠等奏南漕計日全可渡黃並幫船行走情形
近日漕船渡黃者連前共八十九幫未渡九幫想旬內
亦可渡竣不誤期限松筠於全漕渡黃後卽回江寧辦
理地方事務並將交審案件早爲審辦吳璥等卽將王
營減壩惠濟正閘海口各要工於漕船未回空之先趕
緊興辦不可觀望再有遲逾致干咎戾

南河成案續編

是月十七日吳璥徐端奏邳宿桃清運中河境內於
初八九等日上游蒙沂山水陡發驟長八九尺不等

續行水金鑑卷百十五

運河水

當將各閘越壩啟放並將中河運口楊莊各壩拆展以平溜勢中河清汛二堡遙下因來水過驟緯隄漫塌六丈幸大隄培築高厚抵禦無虞未淹田廬現在漕船經行尙無妨礙俟水勢稍落卽行補還再淮安三鋪所存口門僅寬三丈臣等於漕船過竣時正在堵閉適據淮安府胡克家稟壩下水已歸槽與閘洞無異民間正在需水插秧該民籲請緩堵以資灌溉臣等查該壩口門內既有二壩擎托復恐塘寬進水急溜又於大二兩壩中間添築橫壩兩道益資收束甚爲穩固且湖水正旺是以暫畱宣洩俾利農田

成案
續編

是月奉

上諭恩長奏酌籌疏濬漳衛河經行要口以資濟運一摺據稱內黃縣爲漳衛兩河經過口門向因漳水挾沙壅滯豫省有漕州縣及長蘆兩人略加挑挖未能寬深次年漲水仍不能容納擬於春秋雨季大加疏濬等語漳水近來形勢北高南下入衛故道旣難歸復而兩岸俱係浮沙又非築隄所能堵禦且河道縣亘數百里淤墊日高卽耗資數十萬築壩挑溝亦不能卽收實效殊於蘆鹽豫漕有礙著照所請卽於內黃縣之南豆公北豆公一帶口門遴委熟諳工程之員於每年春秋雨季妥協經理務使工歸實用毋任浮冒所有挑費銀八千

餘兩著卽著落豫省有漕州縣並長蘆鹽商分爲鹽六
漕四攤捐辦理

皇帝聖訓

七月二十二日吳璥徐端奏清江浦地本低窪向於
玉帶河南隄設有涵洞宣洩積潦由文渠溝歸護城
河下注白馬湖因嘉慶十年冬修清江閘啟放五孔
橋雲曇壩口攔河兩草壩由玉帶河行船遂將文渠
溝堵塞其護城河復因十三年各路漫水沙淤清江
浦積水無從宣洩民間被淹本年四月奏明派員將
護城河疏挑迨重運漕船過竣卽將五孔橋口門堵
閉委清河縣將文渠溝照舊桃通令裏河同知將玉
帶河尾雲曇口舊金門築壩堵閉以便洩乾玉帶河

底水再洩清江浦積水緣清江浦自六月後霖雨幾
及一月致積水日增街市水深數尺官民廨舍半在
水中居民叩請疏消邑令目覩情形急圖宣放因臣
等在河口未及稟知於七月初十日雲曇壩堵後卽
將玉帶河南隄劃成溝槽四尺以冀洩乾底水不期
是日陡起狂風雷雨猛烈雲曇口新築攔水壩後戢
尚未澆作猝遇風浪撞擊十一日子刻將壩身掣通
風雨昏黑官弁人夫不能措手道輦塌十六文所過
之水由所創溝槽下注臣等聞報馳往督令趕緊裹
護撥料集夫親督該道葉觀潮遊擊陳岱率領該廳
縣等於十二日捆埽進占鑲築水深三丈八九尺於

二十日堵閉連夜追壓至二十一日斷流閉氣正壩
邊埽及壩後澆戩俱一律穩固其正河陡落時淺阻
處所當經抽溝順流東注船隻照舊暢行所洩之水
由文渠溝護城河下注白馬湖雖有河路可循附近
民少漫水僅深二三尺但猝經被水應量加撫卹臣
等及各道府捐給饘餅散放督臣松筠捐廉委員散
給貧民並飭該府縣查辦仍俟玉帶河底洩乾再宣
放清江浦積水以免市舍淹浸此次因籌放積水風
雨驟至攔水草壩掣場與大隄漫溢不同所有河營
參將劉重勘估海口引河淮揚遊擊陳岱堵閉河口
禦黃壩均未在工其餘該管知府及文武汛員不在

該處辦工者自未便照疎防例參處惟該廳陳式平承辦攔水壩工未能趕緊澆戩竭力防護責有攸歸該縣羅翺遠未查該壩是否澆戩穩固祇知以宣放積潦爲急殊屬率忽現在壩工所用錢糧不准開銷著令該同知分賠十之七該縣分賠十之三予限完繳仍將陳式平撤回請革去前加同知銜仍以通判効力其辦工守備千總効目兵役人等現已分別撤回責革另行咨部臣吳璥徐端未及查察周密咎所難辭准揚道葉觀潮雖亦在河口督辦工程但係該管通員亦咎有應得仰懇

天恩一併交部議處再臣等因察看該壩旬日內卽可

趕緊完竣是以於堵閉後具奏奉

上諭吳璥等奏本年六月清江浦地方久雨積潦著清河縣知縣羅翹遠急圖疏消將玉帶河南隄剗成溝槽以期洩乾底水惟時猝雨暴風署裏河同知陳式手所築雲曇口壩後截尚未澆築致風浪撞擊掣通壩身蟄塌十六丈吳璥等聞報馳往督率連將廳縣趕緊鑲築堵閉斷流所有堵築此項缺口應用錢糧不准開銷著落署同知陳式平署知縣羅翹遠分賠並將陳式平撤回革去前加同知銜仍以通判効力其辦工之備弁兵役等分別撤回責草示懲吳璥徐端淮揚道葉觀潮俱著交部議處至該處正河陡落時間有被水居民雖經

松筠吳璫等捐貲撫卹仍著該督等詳查如應行加恩
處據實具奏不可諱飾

南河成案續編

是月二十八日許兆椿奏邳宿運河地勢建瓴水難
停蓄必得處處擎托始免淤淺向來邳州設有河成
河定河清三閘以資啟閉水大開放運槽水小按塘
遞上不致延阻惟是河成閘至宿遷挑源交界並無
閘座水勢直瀉往往停淤是以乾隆五十年復至河
成閘以南添設四閘內邳境設滙澤一閘宿境設利
運亨濟潑流三閘嗣因豐工南工漫水下注四閘淤
成平陸漕船由越河行走水無攔蓄宿遷以上沙墊
舟停遂逐段趕築草壩鉗束方能挑運而此深彼淺

續行水金鑑卷一百十五

五

臨時殊費周章臣思每年河口旣須剝渡啟延迨至
邵宿又有阻滯不特旗丁多費且重運抵速一運回
空卽不能迅速查邵境滙澤一閘先於嘉慶八年冬
經河臣吳璥挑復幫船由閘打放現與河成閘上啟
下閉互相節宣甚爲得力所有宿運境內三閘除濬
流一閘業已續挑通舟尙有利運亨濟二閘察看形
勢亨濟閘在宿遷關以下水勢平衍尙非扼要惟利
運閘直接甯灣一帶古淺如能一律挑通將越河堵
塞使軍船由正閘挽放則下有啟閉上游甯灣各淺
處自可浮送裕如且該閘距滙澤閘四十里設遇水
小與滙澤遞相啟閉較草壩擎托更爲有益仰懇

天恩勅下江南河臣於回空遇竣委員估挑併將淤流河成兩閘閘底閘牆修理實於遂河有濟再有請者邳宿一帶古淺較多糧艘必須起剝前速本年六月初旬澍雨應時各處山源下注是以江廣笨重船隻並未剝淺省費甚多軍弁同聲感頌惟上游水發之期難定若非從長籌計設遇淤淺於通河多阻查宿遷駱馬湖上承沂蒙諸泉滙注下由六塘河遞遂入海每年將尾閘啟開收水濟漕由柳園頭王家溝乾車頭竹簍壩各口門分別船身輕重河道深淺開放入運立法最善先於乾隆五十年經大學士公阿桂奏明禁止湖灘開墾借名升科免致水道壅塞近因

日久玩生尾閘堵閉既未如期湖水收蓄卽難如制
各處濟運引渠因之淤高水難分達每年啟堵徒費
錢糧於濟運不能有益至湖中淤墊之區向禁耕作
者若聽無業民人或附近居民築場佔種將來驟起
效尤日占日多必致全湖盡行私墾於蓄水利運尤
有關係可否一併

勅下督河諸臣委明幹大員妥爲清程申明開墾例禁
嚴定濟速章程如果駱馬湖存水充盈非但宿遷境
內陸家墩古城溜各淺處可期無患卽邳州境內如
河成閘壩灣上下得此水源擎托不致直瀉無遺於
長河事機均有裨益

南河成案續編

八月初七日奉

上諭據許兆椿奏邳宿運河河成閘以南舊設滙澤利運亨濟濬流四閘隨時啟閉以濟漕運嗣因漫水淤成平陸越河行走多阻除滙澤濬流二閘挑復外亨濟閘地勢平行尙非扼要其利運閘請一律挑通等語運河設閘互爲節宣今許兆椿請挑復利運閘較之船由越河行走但資草壩擎托蓄水自爲得力著該管河督卽委員查勘如必應挑復卽於本年回空糧船過竣後趕緊興挑其濬流河成二閘閘底閘牆有應修之處亦著及時修理又奏稱駱馬湖濟運引渠日漸淤高請嚴禁私墾駱馬湖蓄水濟漕爲邳宿運河扼要機宜豈可任

其淤墊著該河督會同該督撫派委明幹大員妥爲清理其墾種已久無礙河渠者仍循其舊如有私墾湖灘致妨水道者申明定例嚴行禁止其堵閉尾閘及收蓄泉水悉依定制辦理庶於運漕利運之道不致有名無實也

南河成案續編

是月二十六日徐端奏臣奉

上諭

已恭載初七日

欽此查邵宿運河上承東省八閘地勢建

瓴河流易洩乾隆五十年前河臣李奉翰等於河成三閘外添利運亨濟二閘嗣因邵汛以下河道縣長難資擎蓄復於五十二年添建滙澤潞流二閘節節擎束以上四閘建時正值漕船盛行所有利運亨濟